


娛萱草彈詞



娛萱草彈詞序

淶水芙蓉、公府棲賢之地、曉風楊柳、詞家抽祕之天、自來岸幘勝流、旣劬枕肱、用發冰襟、逸思不蹈白科、爾乃黃絹辭妍、別編說部、白華志潔、藉補亡詩、攄記室之餘芬、博摩敦之大噓、美哉愉愉、內行、明、文、光、儒、門、事、親、風、可、尙、已、橘、道、人、家、傳、絳、帳、業、繼、青、箱、白、眉、負、平、雋、聲、素、志、高、於、單、慧、蓋、其、智、珠、善、記、濡、臍、道、真、經、笥、多、藏、穀、淡、力、苦、故、縱、波、濤、於、吻、而、玉、咳、淪、游、運、杼、軸、於、懷、而、錦、章、亂、費、百、函、並、發、臯、牢、拄、笏、之、儔、三、絕、可、兼、驅、掃、懷、鉛、之、衆、顧、念、周、聲、解、帶、在、養、慈、親、郗、超、入、幕、猶、爲、上、客、覺、欲、翱翔、於、花、縣、駒、偏、維、繫、於、藿、場、比、於、灕、嶽、之、陽、縱、江、之、上、權、移、狄、舍、親、導、崔、輿、烏、哺、將、誠、雞、鳴、修、職、酌、穆、生、之、醴、用、介、梨、眉、教、永、叔、之、書、追、懷、荻、畫、曹、大、姑、本、爲、博、學、眞、孟、母、已、屆、高、年、皆、城、有、餘、樂、聞、譚、語、齋、佛、旣、罷、愛、聽、閒、謳、而、以、古、籍、爲、殺、烝、糟、粕、久、從、遺、棄、以、雅、音、爲、鼓、吹、俳、倡、豈、可、溷、淆、此、娛、萱、草、彈、詞、道、人、所、由、編、次、也、夫、彈、詞、者、或、抒、秋、士、之、思、或、寫、春、婆、之、夢、或、顛、語、師、夫、鄭、涉、或、寓、言、效、夫、蕭、昕、大、率、鏤、刻、空、花、揆、張、頑、豔、羣、盲、唱、出、瓊、缶、聲、韻、委、巷、流、行、箏、琶、耳、悅、翻、小、說、之、體、格、沿、自、虞、初、入、大、雅、之、品、題、比、諸、鄼、下、而、是、編、奮、旋、風、筆、拂、衍、波、箋、推、製、錦、才、吐、粲、花、論、羅、八、殢、於、庭、戶、招、百、氏、而、唱、酬、選、理、熟、精、汲、古、操、夫、脩、綆、高、文、超、遠、甄、奇、在、於、靈、襟、羽、陵、蠶、簡、之、華、盡、歸、調、弄、海、市、蜃、樓、之、詭、轉、失、幡、纒、卽、此、虎、豹、一、文、鳳、鸞、片、羽、是、藝、林、別、集

之冠爲談士外篇之宗、淵淵乎、穆穆乎、有非下里歌詞所可齊、眊者矣、想其畢事節端、陳書護背、入絃匏而順耳、勝甘滑之飫心、足使茶體忘疲、頰容流笑、哇封盡脫、本宣文君紗幔之傳、游戲爲文、抵老萊子綵衣之舞、而且殺青甫竟、浮白爭誇、十手傳鈔、千毫書禿、謂摘豔薰香之製、經用鮮明、涸思乾慮之倫、交暉津逮、可不付之剞劂、飾以縹緗乎、僕承接茵憑、染濡觚翰、矩步自局、方聞不如、霞舉九皋、徒羨雞羣之鶴、風馳千里、願爲驥尾之蠅、爰作引、用昭關覽、但見泉流風發、意古文今、手執一編、目迷五色、爲哇辭治疾之藥、爲儉腹饋貧之糧、爲闡闢暮年佐含飴之樂、爲筐篋小語廣游藝之門、含任吐沈、暢其才格、是名齊溫子、研京鍊都、宏其用、益應紙貴洛陽、

光緒二十年歲在閏逢敦牂病月古華山農拜序

婦人年耄。端憂多暇。兒女輩演說故事。藉以娛心志。消永日。儒門類然。顧稗官野史。鄙悖者無論矣。其或寓意隱僻。屬辭艱深。又不宜於閨闈。自彈詞作。非旖旎之情。弗道也。雖有新腔。附庸風雅。聆其聲律。皆管絃冶蕩之音。體卑而語俚。士君子僉以俳優斥之。遂不入於著作之林。然而世傳來生。福集芳園。筆生花。諸作麗句清辭。使人易入。故好之者終弗棄也。攷其作者。出於閨秀居多。昔鄭澹若夫人。撰夢影緣。華縟相尙。造語獨工。彈詞之體。爲之一變。逮吾嫂蕙風氏。演述宋岳忠武事。撰精忠傳。盡洗穢豔之習。直抒其忠肝義膽。雖亦彈詞。而體又一變也。今得娛萱草。讀之。視昔所寓目者。尤覺標新領異。其間詞章之離奇俶詭。皆取六經三史諸子百家之書。貫串而擷其英。詼諧而暢其趣。若鸞皇鸞鷟之翔鳴於霄漢。吹天風而偶聞人間也。雖其自作緣起。謂並無意旨。隨口雌黃。僅博老人一噱。然繹其文法。則周且密也。如首敘西都賓父女。實爲母子翻筆。家人首出孝經。明作書之意也。千里駒。乃全書之樞紐也。太夫人康彊壽考。表積善之有餘慶也。徇華大夫之席豐履厚。著和氣以致祥也。東都主人之好學。示秉義方之訓也。溫溫恭人之孝友。慈祥陳婦德也。西都賓之遺嫁。西方美人而戒作詩。言婦道之貴德不貴才也。北地闕氏。執壺政大權。而不以小陵大。美家主之不惑乎情也。西都賓無子而使有子。勸義也。竊窰淑女。無家而使有家。勸孝也。寂鏡公子之絕處逢生。能依孝經行事也。烏有先生之磨折懲貪。妄也。溫柔華胥之記。警好色也。餓鄉與君子國相接壤。闡君子固窮之義也。東都獲禽而墜。

戒戲無益也。夫已氏老而失其子。刺溺愛也。公是先生因省親而得納妾生子之喜。勵定省也。雲笈義死而得天仙。兼葭淫奔而陷大辟。別貞淫也。至於憑虛問藝菊之術。孝經使寂鏡改名。西蜀之拒宿於窈窕。比紅兒之小唱。皆寓勸懲之規。讀者宜毋忽焉。他若園花齊放。海蚌生珠。以及著作廬元日書紅。北地闕氏平日出諸口者。何莫非娛萱之旨也。又若東吳憑虛之宿醉鄉。浮游先生之談女國。貴介公子之隨使照相。大都牽率近事。以侑劇談。猶築室之不可廢雕繪也。月令之解帶。文選之拾畫。夜合花之樓狂童。數者殆亦三百篇存溱洧之意歟。嘗覽諸家小說。往往絢爛之後。歸於平淡。獨此書則異是。以西王母始以南極星終。歸結太夫人於夢。并由夢中補太夫人問視之樂。承子婦之歡。實一篇壽母文也。安得俳優斥之乎。余諸小姑中與耐冬老人交最久。所歷甘苦亦相若。茲耐冬郵示其長子所撰娛萱草。索余一言。余何敢以不文辭。爰摭拾本事。發明其義理。俾奇文得也。且祝耐冬享期頤之年。遂天倫田園之樂。可卽是篇爲左券之操云爾。坐月吹笙樓主人序。

娛萱草彈詞緣起

一寄食逆旅。適母氏有幽憂之疾。惟聽小唱以爲歡。又不愛說本。而坊肆所傳。如來生福天雨花等書。母氏久熟於耳。又不願聞。因有娛萱草之作也。篇成急就。並無寓意。但撫拾平時見聞所及。薈萃其間。藉博老人一笑而已。閱者諒之。

二。譚言誕語。欲至連篇累牘之多。殊苦思索。時適校勘文選。卽取都京賦作書中花園藍本。取烏有子虛等名。爲生旦丑末。人不敷用者。取詩書成句而足之。若溫溫恭人之類。是也。其科譚等流。信筆所造。不暇細酌。閱者諒之。

三是作初無定意。旣成長篇。必於無意中勉爲有意。然才郎由落魄而登第。佳人藉密約而團圓。小說傳奇。千首雷同。因獨標新穎。故作奇思。貫串古今。呼爲一氣。代無唐宋之分。地乏郡縣之著。以踐荒誕不經之實。但富貴神仙。仍不脫小說家窠臼。閱者諒之。

四。篇中臧獲之名。男以經史子集。女以詩禮篇名。聊寓家有書香。門傳詩禮之意。歌童以詞曲名。名之。蓋取其相近類也。但命名仍信筆塗鴉。不求意義。閱者諒之。

五。意義雖無。卻不可無情節。旣有情節。不能無悲歡離合。惟勿言不祥事。庶不悖娛萱之名。閱者諒之。

六。是書憑空結撰。苦無藍本。祇將平昔所成誦諸書。堪以點綴者。不論古近而獮祭之內。

如盤駒宿醉鄉談女國等。又摭拾古人今事。隨口雌黃。不免鄭聲亂雅。閱者諒之。

七書中人物。既專採古人寓言之名。他如五柳先生爲陶元亮別號。冰壺先生爲龔萊別名之類。概不錄。聊別取材之嚴。庶有限制。閱者諒之。

八是作每夕隨筆書之。閱四月而得三十二篇。內不暇歸縮處。暨漏未申補處。十有七八。因係無稽之談。妄言妄聽。可也。奚俟徵文考獻。閱者諒之。

九唱句中偶有嵌用花藥名者。皆寫花藥名本字。取以醒目。而觀者但聆其相似之音。勿泥於文字。閱者諒之。

十書中徇華之華字。讀作划。夫已氏之夫字。亡是公之亡字。均讀作無。闕氏讀作臙脂。駘盪之駘字音胎。駁娑之駁字音及之類。不暇徧爲音釋。猶有俗諺之語助辭等字。經典所不載。尤難音註。閱者諒之。

娛萱草彈詞題辭

集葩經二章章八句

眞吾

母氏劬勞。念子燥燥。祇自塵兮。弗洒弗埽。日居月諸。惟憂用老。靜言思之。焉得諼草。思馬斯作。洵美且都。或佐之史。是究是圖。綏我眉壽。樂爾妻孥。勿以爲笑。聊可與娛。

集文選五言

賓月

夫子茂遠猷。終朝理文案。安得恆逍遙。且從性所玩。懷抱觀古今。結念屬霄漢。繆綢清讌。娛敘意於濡翰。

林園無世情。惠色出喬樹。私願偕黃髮。暇日聊游豫。覽物奏長謠。賞心於此遇。此歡信可珍。斯言豈虛作。逸驥騰夷路。逍遙撰良辰。嘉賓四面會。連榻設華茵。置酒臨風館。清暉能娛人。傳卮弄新聲。新聲妙入神。北地多奇舞。輕裾猶電揮。兼復相嘲謔。意愜理無違。粲粲都人子。並坐侍丹帷。至樂非有假。文雅縱橫飛。誰謂古今殊。三都豈能似。誰謂形迹拘。兩京愧佳麗。賞逐四時移。淑美難窮紀。衆星粲以繁。餘霞散成綺。

緩草樹蘭房。歡娛寫懷抱。懷抱既昭曠。君子通大道。誰能享斯休。榮名以爲寶。望慕結不解。牽率酬嘉藻。

五古

去疾

昔有楊狀元。正史稽廿二。丹鉛纂錄餘。聊以文爲戲。彈詞此濫觴。俗流紛擬議。棗梨災遂多。榛楛翦非易。天雨花之編。來生福其類。差可悅癡聾。未足標新異。乃者白眉良。談笑皆文字。滬瀆與西湖。游蹤圖勝地。博局變雅馴。紙貴洛陽肆。長夏炎燄蒸。蜚蟲齧肩臂。臭腐化神奇。詠物韻頻次。兀兀更著書。娛萱立名義。六籍得笙簧。百氏資鼓吹。選理本精熟。歌節協抗墜。入耳共賞心。一庭太和萃。視聽無形聲。吟情卽養志。莫謂荒唐鳴。孝思洵不匱。小子愧鄙夷。承歡鮮能事。對茲感懷深。學舌且歸侍。愛古不薄今。同羨充腹笥。

七古 用二宋全韻

笙韻

扶德家風漢時重。儒書千卷窮研綜。誰其嗣者橘道人。驚世鴻才下士恐。欽賢館裏轅賓從。筆陣橫開卷嶠雍。退侍親闈情依依。不樂應官理牒訟。客居雖隔西湖葑。自潔南陔采蘭供。妙心求博阿嬾歡。別濬詞源達其壘。紙田管城卽乃封。意造名園埽雰冱。中有斑衣奉板輿。三十二篇翰華縱。前驅班揚後屈宋。選樓人物笑談共。按歌應付李龜年。樂志可儕仲長統。平安竹倚春暉種。吟侶爭裁瑞寶頌。偶然嬉戲成大觀。爲小說家治癰癰。我亦游子愚且愁。薄養聊分書府俸。從君乞此瓊瑰辭。寄歸雲舍人絃誦。旨味津津迸齒縫。勝

芳諤有忘憂用。

五律

想見宣文幔。聞歌樂始真。繹君新曲本。愧我遠游人。懷抱空今古。文章閱苦辛。三絃彈近調。聽罷倍思親。

鋤月

七律

黃耆年年祝白頭。傳奇尤足解親憂。孩提性好時流露。雅俗音諧可唱謳。陋彼仙蹤傳綠野。笑他癡夢亂紅樓。漫論有相兼無相。天地間長一卷留。

焉息

七絕四首

蟬庵

仙雲飛過海天來。幻出奇書卅二回。喚作彈詞渾不似。西堂樂府總輿臺。繞膝承歡酒滿卮。循陔無待補笙詩。斯編便是萊衣譜。贏得謗闌一解頤。夫子豪端雅且魚。若蘭佳詠亦瓊琚。龍威畢竟隣荒誕。此卽人間未見書。羨君能事十分多。游戲文章也不磨。會聽春江花月夜。吳儂齊唱馬家歌。

七絕六首

瓶隱

扶風祖德絳帷中。江國移家作寓公。別有殷殷將母意。操觚靜夜走蟬紅。奮袖騷壇大雅才。墨池餘瀋笑翻來。等閒傳出新詞本。稗史編中生面開。大家博學冠釵裙。厭閱陳編喜異聞。孝子天懷才子慧。毫端飛颺古煙雲。

意匠經營戲綵堂。箇中愛日最舒長。侍親富貴神仙境。應勝南陔詩補亡。
佳婦擎觴孫奉盤。隨書同進勸加餐。先生教孝心如繪。莫作雕蟲小技看。
絃索琤琤雅頌音。從教白髮暢歡心。曲終還有清聲和。好是春庭睨院禽。

六言六首

仰曾

不韋懸書秦市。相如賣賦長門。吾愧懷鉛握槧。安能風雅同論。
讀君絕妙好辭。漫云壯夫不爲。况復瓊筵高唱。桃枝仙母心怡。
昔傳舞綵萊子。更有懷橘陸郎。著作別裁偏體。管絃介壽無量。
肺腑經營邱壑。煙雲號召朋儔。三冬文史足用。幾生福慧同修。
園倘眞開養素。吾將載酒相從。分得澗東別墅。勝留江上孤蹤。
李龜年諧雅律。柳敬亭擅新腔。盍教梨園子弟。登場演唱無雙。

六言四首

香田

變化七言詩律。一篇足擅風流。真箇性情著作。北堂萱草忘憂。
紅蓮幕府高才。性喜懷鉛握槧。老萊五色斑衣。敢與筆花鬪艷。
何自薰香摘艷。西東漢有文章。彷彿都京研鍊。頓教紙貴洛陽。
春暉我自追思。一樣丸課熊讀。與君他日同朝。獨羨遺羹考叔。

七絕兩首

悔盦

寓言十九本天成。採作娛親雅頌聲。文采風流眞絕賞。美人名士五侯鯖。
銅琶鐵板酒初行。庾鮑清才選學精。玳瑁筵開爭按拍。皖公山好佐耆英。

貂裘換酒

憶紅

八斗才如許。想非非。洪鑪活火。鎔今鑄古。戲把蕭梁人幾輩。喚出鬚眉無數。渾不憶那家庭宇。多少煙雲彈指換。演荒唐一例。翻新譜。君怎肯傍門戶。書生捧檄江頭路。問何時錦衣歸里。園開養素。廿載青油成吏隱。卻喜慈雲長護。休再說蹉跎難補。彩筆娛親花爛縵。算堂前著箇萊衣舞。傳寫遍洛陽賈。

瑤花

葆元

憑虛鳥有供爾馳驅。向一編跳出。英姿颯爽。應笑倒千古。文人騷客。陳言務去。算野史搜羅無佚。倘許他唱遍旗亭。添入朱絃瑤瑟。不知幻想何來。忽游戲神通。發揮奇特。文章大吉情更好。寫得幾多波折。謔紅嘲翠。仍不減詞家風格。想萱堂傾耳細聽。更比萊衣真率。

沁園春

循齋

夫子何爲忙裏偷閒。想入非非。道北堂春永。慵繙貝葉。西園日暖。戲舞萊衣。幻出遙情。都成雋語。始信傳奇總未奇。頻商略。仗中山毛穎。燕北松滋。毫端都是靈機。把海志山經。任取攜。有兩京佳麗。足供濡翰。五陵豪俠。可助談資。酒市燈稠。蘭閨香炮。爭唱先生絕妙辭。吟賞處。覺靜涵天籟。動解人頤。

南北曲

循齋又筆

（新水令）怡怡養志報劬勞。喜庭前栽來萱草。慈雲長養護。春日任逍遙。倦把書將一例閒情埽。

（步步嬌）幕府餘閒供嘯傲。著作翻新巧。奇書借手鈔。海市迷樓。凌空結造。筆底化風騷。嘔心肝。演出彈詞稿。

（折桂令）問你瘦書生。直任蹊蹺。古來的烏有憑虛。儘向頰上添毫。更有那狂童樣子新描。談美麗。西方北地。論人文。劍俠詩豪。似這樂天。倫筵開玳瑁。煞強如立朝端裘被金貂。烏鳥情饒。班馬詞高。剛寫出莽塵寰。瑰異神奇。又繪出好園林。翡翠蘭苕。

（江兒水）惠麓泉名酒。之江信有潮。問何時同泛迴波櫂。你從今漫道知音少。只撥琵琶。沒箇龜年老。何事錦衣花帽。彩筆驚人。博得箇萱花微笑。

（收江南）呀我也似登場傀儡。卻向筆尖跳。赤緊的名疆利鎖總難逃。我待勸賓朋四座莫喧囂。把朱絃新調。更紅牙細敲。靜看那茶煙輕颺落花飄。

（僥僥令）新詞翻藻采。逸思湧波濤。把那千古文人都絕倒。消愁更何須借酒澆。更何須借酒澆。

（尾聲）重簾不捲鑪香裊。儘位置筆牀茶竈。看書成。吳市燕都傳遍了。

娛萱草賦 以編成小唱當萊嬉爲韻

劍樓

文章游戲眷屬神仙。何來幻想。以養大年。數陰晴於百廿日。成珠玉者廿二篇。選理熟精。杜宗武胸襟落落。羣書考核。邊孝先腹笥便便。陔南獻不老之丹。待吹笙而補什。堂北祝無量之壽。看戲綵而陳編。於是憑空結撰。巧意經營。園開養素。館啓延英。騁名駒於千里。譜么鳳之雙聲。太夫人八座起居。不少天倫樂事。好男兒一生忠孝。都拋塵海浮名。事本無稽。躍紙而鬚眉欲活。言如有物。穿珠而咳吐先成。緬想都京。放懷塵表。城郭依稀。煙雲繚繞。陳芳國別有春秋。南柯郡無分晝曉。想像花天酒地。笑斯人春夢婆娑。莊嚴紺宇琳宮。問何處仙蹤縹緲。姑妄言而姑妄聽。白髮情怡。卽是色而卽是空。紅塵劫小。詭譎千形。迷離萬狀。長言短言。有相無相。早杼軸之自成。肯葫蘆之依樣。數胭脂於北地。未免有情。誇裙屐於東山。亦何多讓。緩歌低舞。翻成菊部新書。修竹茂林。譜出亭蘭絕唱。若夫百歲稱觴。承歡孝養。花泛瓊筵。鐙明錦帳。朝中之紫誥頻頒。堂上之白頭無恙。極賓客園林之盛。未許人誇。集富貴壽考之全。良由天貺。儻我輩乘時則駕。漫云奢願難償。聽使君據坐而談。亦覺愜心貴當。山隈水隈。三杯兩杯。四絃獨撥。衆妙都賅。李龜年尙傳嗣響。楊升庵漫詡宏才。一片荒唐。

何必強分秦漢。百家騰躍。直教抗揖鄒枚。相傳白傳虛言。謂郎官上應列宿。始信遺山佳話。道謫居猶住蓬萊。作者云誰。扶風白眉。依依動聽。脈脈縈思。是娛親之寶笈。作勸孝之良規。幾多曼倩諛諧。盡屬現身說法。一樣坡公喜笑。居然脫口成詩。信佛家彈指三千。塵世都如幻夢。比莊子寓言十九。造物本是兒嬉。

閨閣題辭

聽兒子演說娛萱草偶書示之

耐冬老人

我昔所觀夢影緣。牽率莊惠爲比肩。彼何人斯抒奇藻。康成妙裔巾幗賢。新詞麗句推絕唱。異書惜未人間傳。吾兒流寓龍山麓。顧余衰疾無藥蠲。演說彈詞介眉壽。撫拾今古書連篇。園林百畝開養素。三神五岳羅几前。手植花草多靈壽。輞轅綠野踰平泉。主人勛業冠朝辟。移忠作孝求歸田。五倫不以三公易。斑衣百倍朝衫妍。立足肯隨流俗轉。掉頭不受塵網牽。天倫之樂樂何若。如徇華福誰能全。東都佳兒北地妾。蘭心蕙質眷屬仙。高堂明鏡無白髮。鐵牙金齒齊僊佺。令妻壽母歡一室。魯侯燕喜難獨專。澗東別築翹材館。搜羅竹箭。揔楠櫟。信陵愛客聞天下。瓊圃珠履同三千。觀其盛滿不危溢。藹藹仁聲鄉黨宣。讀汝一編知汝志。既輟鉛槧調管絃。我生縱無百歲久。姑妄聽之卻怡然。願兒異日償斯志。先將此曲歌當筵。漫謂樓閣起無地。自有邱壑胸中填。又思此境何必有。蘭亭梓澤淪荒煙。天高地厚有時老。人壽安得金石堅。不如窗下結幻想。文章爛熳和露研。萬般事作如是觀。身外之身轉久延。抱書一笑市頭去。賣文換得甘旨錢。

題外子彈詞

文涓

笑驅虎僕召龍賓。譜出笙詩僞體新。千畝園林疑有地。一羣兒女栩傳神。偶吟短句還長